



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

9. Vocationis propriam perfectione[m] esse sectandam.

[urn:nbn:de:hbz:466:1-47032](#)

C A P V T I X.

Vocationis propriam perfectionem esse sectandam.

Si quando duos inter reges bellum tempestas, sequente discordia exarserit, sicut maximè regni confinia hostili incursione vastari, tantaque est hoste vicino statio tuta, nisi viris, armis valloque munitur, latiusque vastitas propagatur, donec bellis positis vel utrumque optata pax redintegretur, vel alterius exuberante potentia, in victoris ditionem pars victa concedat. Quod si acris exitiali bello exacerbantur ducum animi, nec alia conditione, quam vel hostium euerfione, vel deditissima subiugatione pacisci volunt, utrumque vero non exiguis copijs, incitatis animis, praefidijs communis, instructo & exercitato militate, commeatu abundante certetur, necesse est ut diuturnum & ancipitis exitus bellum expectetur. His autem incolarum prouidentissimus quisque, vel dolos hostium, vel improuisos insultus, vel præualidas vires, temporis declinans, quam poterit procul, ab impacto regni limite recedet, ibique etiam omnia tuta, & ne qua eum longius procurrens hostilis frumentatio deprehendat timens, intra sua se munimenta, dispositis per apta loca vigilijs continebit; sin minus, non aegrè accidet, ut inermem & securum circumfusi subito hostes opprimant, suamque in potestatem redactum, aut saeuo carceri mancipent, aut multo vulnere concisum trucident.

Sed quorsum à me ista dicantur, & quam tibi, quam omni Religioso sint attendenda, licet vides; ne quis tamen minus videat, explicatiū edisleram. Perpetuum Religiosorum quiuis, & nullo fœdere sociabile bellum, carni, mundo, dæmoni, potentissimis & fraudulentissimis hostibus indixit, olimque cum in eorum castris medius teneretur, eorum in se rabiem fortiorruptione, & ad Dei militiam transitione proritauit. diuturnum est bellum, nec alio quam huius vitæ fine terminatur, & singulis ad extrellum partibus, sua vel Victoria, vel clades, æternū stabit, magna ut cuius necessitas imposita sit fortiter depugnandi; quando maximè solos fugaces, incurios, timidos, inconstantes, cadere & vinciri certum est; vicit, qui fortiter restitit, qui hosti, ne quidem in ipsa morte concessit. Verum subdoli, potentes, importuni, vigilis hostes instant; minas blanditijs, vim dolis miscere norunt, pacem simulant, securitate sepiunt, ut imparatos terrore subito opprimant: mille eis nocendi artes, quois penetrant & peruidunt, votis potundi spe numquam excidunt: ubi viciisse, ubi bellum elanguisse putes, acies instaurant, acerbioribus odijs retribuunt. ergo inertnis numquam, numquam sis incautus, à vallo, à praefidijs, à socia cohorte ne longius abscesseris: & vero, quæ planè salutaris est cautio, in hostium confinijs ne moreris,



52 ad remotiora & interiora regni Det , hoc est , ad vitæ spiritualis & Religiosæ penitissimam perfectionem te recipe : hic ab omnibus hostis incuribus tutus delitesces.

Profectò, in hostium confinijs is Religiosus habitat, qui veterem & perturbationibus obnoxiam mentem haud exuit , qui ea quæ sunt hominum volens respectat, laudis amans, honorum appetens, commodorum audius, mortificationis osor, iudicij sui retinens, voluntatis propriae & cupiditatum exemplarum cupidus, denique gestu, moribus, aut animo, mundani & inoliti spiritus reconditum nescio quid tacitè fouens. Hæc igitur reuelanda, in alium hominem abundum, in aliam & nouam Dei militiam transcripto, alia lege, alijs moribus penitusque pugnantibus est viuendum: ita demum ad huius regni intima, ad locum unitissima, vbi magis timeant quām timeantur hostes , fauore diuino prosequente penetrabis.

At hīc nonnemo interpellabit; Diōtu quidem facile est, & cuius fortè promptum, magnifica iactare promissis, & vniuersè loquentem multa polliceri. Verū omni ambage seposita , clarè velim edicas , quid hæc voces regni intima, qua certa istuc pertingam via? Dicam sanè perlbens; id tamen à me audite si voles, meo more me dicentem, sensimque altius assurgentem patienter audies. Dicerem verbo uno, Vocationis incitatum sequere, vocem audi: sed concisius id dicitur, quām vt multum prodesse possit: ergo planius & fusiùs. Et quoniam ad bellis similitudinem monitio hæc nostra deflexit , in ea pauxillum prouochi non facit alienum.

C A P V T X.

Quænam sit propria vocationis perfectio.

Fingamus animo fortissimos, eosdemq; crudelissimos hostes, quendam prædatoribus opportuniorem abduxisse captiuum, quem turpissimæ morti destinatum, suæ, vbi collibitum fuerit, libidini ludibrio futurum asseruent: ne autem vel fuga, vel astus in libertatem asserat, loco munitissimo, multis circumstatijs, intentissima vigilia obseruent, atque ut delinitum cautiū fallant, vultu amore simulcent, iocis, lusibus, epulis , varijsque oblectamentis inescaturn eousque dementent, ut libertatis & salutis oblitus , hostes & carcerem amicis & patriæ præferat. De huius hominis vita , quis non putet esse conclamatum? Sed ecce tibi, dum salutares de se ipso cogitationes captiuus ille depositus, suæque se lanient ludibundus asseruat , si quisquam experientissimus belli miles, omniumque hostium insidiarum peritissimus, forti manu, industria, celeritate, felicitate inuicta, declinatis insidijs, aduersantibus copijs fugatis, transmisso vallo,